



Vinnarlaget saman med Morten Nilsen: Klara Bakke, Jan Berntsen, Hilde Bringedal og Knut Bringedal. (Foto: Ola Matti Mathisen)

Ein kvartett som kalla seg Pondus på tur sigra i den første quizn som vart avvikla på Vertshuset i kveld, under svært god stemning.

Bak namnet fann ein Hilde Bringedal, Knut Bringedal, Klara Bakke og Jan Berntsen og dei fekk 33 poeng.

På andreplassen kom laget Bjørnar med 30 medan Supe 4 vart nummer 3 med 24, Colargol nummer 4 med 23 og Vi to nummer 5 med 22. Det var med andre ord eit tett oppgjør og ingenting var avgjort før siste runda var unnagjort.

Det burde ha vore fleire enn 5 lag med, men Morten Nilsen kom seint igang med marknadsføringa og reknar med langt større deltaking når det blir ny quiz om 2 veker.

Han tok seg sjølv av leiinga og spørsmåla var det quiz-eksperten Torfinn Myklebust som hadde klekka ut. Dei spente over eit vidt register - frå kva som var grunnen til at fire menn omkom i Afghanistan til kva som er Kvinnherads høgste punkt.

Naturleg nok var det også ein solid bolk med VM-spørsmål og deltakarane gav uttrykk for at dei var vanskelege.

Av Ola Matti Mathisen